


Dilanti di Rietveld Academie Aruba den Wilhelminastraat Centro di Oranjestad ta haya un Parke



ORANJESTAD (AAN): Un iniciativa priva di doñonan di e edificio den cua Academia di Arte y Diseño ta situa Rietveld Academie ta un academia di arte y diseño renombra rond mundo. E instituto, cu sede na Amsterdam Hulanda, tin mas di 45% di su poblacion di estudiante internacional. Practicamente tur e cursonan ta wordo duna na Ingles. Rietveld ta conoci

rond mundo pa su enfoque altamente conceptual y experimental cu ta dirigi na studiantenan cu consistentemente ta busca pa investiga ideanan nobo y busca pa amplia nan fronteranan. E academia ta habri su portanan e aña aki den September cu un 'bachelorsopleiding' y a haya hopi interes di studiantenan local, pero tambe di exterior. Rietveld ta situa na unda

antes tabata estableci 'Branchies' den Wilhelminastraat.

E doñonan di e edificio ta doño tambe di e tereno net su dilanti y a cuminsa un iniciativa priva pa crea e prome parke priva den area di centro di Playa.

Segun coordinador di Academia di Arte y Diseño Aruba, Sra. Rebecca Roos ta splica, "e ta un parke publico, corecto.

E parke ta propiedad priva, di famia Harms, pero nan a dicidi pa haci esaki un parke publico pa Aruba."

E diseño di e parke ta den man di Studio Roberto Rovira, cu ta diseñador di varios parke publico mundialmente.

E parke ta bay ta un parke habri, esey kiermen cu e no ta bay ta cera of pa uzo exclusivo.

E parke ta bira un publico, pero mantencion ta responsabilidad di famia Harms cu

ta doño di e tereno. Number di e parke ta bay ta bay ta 'Parke Gerrit Rietveld'.

Prome Minister Mike Eman y Minister encarga cu Asuntonan di Reino Ronald Plasterk a keda invita pa planta

e prome mata di e parke. Esaki ta sosode den presencia di Minister di Enseñansa, Sra. Michelle Hooyboer-Winklaar, un grupo di e prome studiantenan di e academia y invitadonan.

